

Nermina Ćemalović

Nezadovoljna odgovorom Vijeća ministara BiH na pitanje postavljeno na 39. sjednici Predstavničkog doma Parlamentarne skupštine BiH, održanoj 18. 12. 2012., tražila je od Ministarstva civilnih poslova BiH sljedeće: – “Molim Ministarstvo civilnih poslova BiH da mi dostavi kompletno mišljenje i pismeno odgovor oba ministarstva zdravstva, znači oba entiteta i Brčko Distrikta BiH.

Dalje, također bih tražila i mišljenje Konferencije ministara za oblast zdravstva, jer ovdje se spominje 2010. godina, najnovije mišljenje o ovom pitanju, kao i mišljenje radne grupe za izradu Plana pristupanja BiH Eurotransplantu koju je faktički Konferencija ministara za oblast zdravstva zadužila za to. I između ostalog šta je urađeno, pošto ovdje imam određeno mišljenje radne grupe da je neophodno uspostaviti jedinstvenu strukturu na nivou države za razvoj transplantacijske medicine u BiH koji će biti nadležan za provođenje aktivnosti vezane za pristupanje u članstvo u Eurotransplant i izradi situacione analize u BiH, pripremu strateških i pravnih dokumenata usaglašenih s EU, direktivama u ovoj oblasti i unutrašnju koordinaciju. Molim, znači i ovu Konferenciju ministara iz oblasti zdravstva i radnu grupu da mi kažu šta je po ovom pitanju konkretno urađeno.”